



ბ ა ნ ჩ ი ნ ი ბ ა
საქართველოს სახელით

11 მარტი, 2011 წ.

ქ. თბილისი

თბილისის სააპელაციო სასამართლო
ადმინისტრაციულ საქმეთა პალატა
მოსამართლე – ქეთევან დუგლაძე

ზეპირი მოსმენის გარეშე განიხილა შალვა ნატროშვილისათვის საჯარო შეტყობინების მეშვეობით თბილისის სააპელაციო სასამართლოს ადმინისტრაციულ საქმეთა პალატის 2010 წლის 22 დეკემბრის გადაწყვეტილების გაცნობის საკითხი

ბ ა მ ღ ა რ ბ გ 0 ა:

თელავის რაიონული სასამართლოს 2010 წლის 15 ოქტომბრის გადაწყვეტილებით საქართველოს თავდაცვის სამინისტროს სარჩელი შალვა ნატროშვილის მიმართ დაკმაყოფილდა ნაწილობრივ : შალვა ნატროშვილს საქართველოს თავდაცვის სამინისტროს სასარგებლოდ დაეკისრა ჯარიმის – 19003 (ცხრამეტი ათას სამი) ლარის გადახდა. შალვა ნატროშვილს საქართველოს თავდაცვის სამინისტროს სასარგებლოდ დაეკისრა სანივთე დავალიანების: 1 ცალი გორტექსის, 1 ცალი შავი ფორმის, 1 ცალი შავი ქუდის, 1 ცალი ბერეტის, 2 წყვილი მ/ყ ფეხსაცმლის, 1 ცალი საწვიმარი ლაბადის (პონჩო), 1 ცალი ფანრის, 1 ცალი თბილი საცვლის, 1 ცალი თბილი ქუდის, 1 ცალი საველე კომუფლირებული ფორმის, 1 ცალი საველე კომუფლირებული ქუდის, 2 ცალი კომუფლირებული მაისურის, 2 წყვილი შალის წინდის, 2 ცალი ტრუსის, 1 ცალი მახრის პირსახოცის - ნატურით დაბრუნება. საქართველოს თავდაცვის სამინისტროს უარი ეთქვა პირგასამტეხლოს 5700.9 (ხუთი ათას შეიდასი ლარი და ოთხმოცდათი თეთრი) ლარის და მოპასუხეზე გაცემული ზელფასის 5224.66 (ხუთი ათას ორას ოცდაოთხი ლარი და სამოცდაექვსი თეთრი) ლარის ანაზღაურების ნაწილში სარჩელის დაკმაყოფილებაზე.

აღნიშნული გადაწყვეტილება სააპელაციო წესით გაასაჩივრა საქართველოს თავდაცვის სამინისტრომ და მოითხოვა გადაწყვეტილების გაუქმება სარჩელის დაუკმაყოფილებელ ნაწილში და ამ ნაწილში ახალი გადაწყვეტილებით სასარჩელო მოთხოვნის დაკმაყოფილება.

თბილისის სააპელაციო სასამართლოს ადმინისტრაციულ საქმეთა პალატის 2010 წლის 22 დეკემბრის გადაწყვეტილებით საქართველოს თავდაცვის სამინისტროს სააპელაციო საჩივარი დაკმაყოფილდა ნაწილობრივ: თელავის რაიონული სასამართლოს 2010 წლის 15 ოქტომბრის გადაწყვეტილების მეოთხე პუნქტის – პირგასამტეხლოს ანაზღაურებაზე უარის თქმის ნაწილში შეცვლით ამ ნაწილში მიღებული იქნა ახალი გადაწყვეტილება. საქართველოს თავდაცვის სამინისტროს

სარჩელი პირგასამტებლოს 5700.9 ლარის ანაზღუარების თაობაზე დაკმაყოფილდა და შალვა ნატროშვილს საქართველოს თავდაცვის სამინისტროს სასარგებლოდ დაეკისრა 5700.9 ლარის ანაზღაურება. უცვლელად დარჩა თელავის რაიონული სასამართლოს 2010 წლის 15 ოქტომბრის გადაწყვეტილების მეოთხე პუნქტი ზიანის საკომპენსაციო თანხის 5225.66 ლარის ანაზღაურებაზე უარის თქმის ნაწილში;

თბილისის სააპელაციო სასამართლოს ადმინისტრაციულ საქმეთა პალატის 2010 წლის 22 დეკემბრის გადაწყვეტილება მოწინააღმდეგე მხარეს შალვა ნატროშვილს გაეგზავნა საქმის მასალებში მითითებულ მისამართზე, მიუხედავად ამისა, აღნიშნული განჩინება მოწინააღმდეგე მხარეს არ ჩაბარდა.

სააპელაციო პალატა განმარტავს, რომ საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

ზემოაღნიშნულიდან გამომდინარე, სააპელაციო სასამართლომ გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები, მიიჩნია, რომ ვინაიდან, მოწინააღმდეგე მხარის ადგილსამყოფელი უცნობია და მისთვის გადაწყვეტილების ჩაბარება სხვაგვარად ვერ ხერხდება, შალვა ნატროშვილს თბილისის სააპელაციო სასამართლოს ადმინისტრაციულ საქმეთა პალატის 2010 წლის 22 დეკემბრის გადაწყვეტილების თაობაზე უნდა ეცნობოს საჯარო შეტყობინების გზით. ამასთან, სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.tbappeal.court.ge). სააპელაციო სასამართლომ იხელმძღვანელა საქართველოს ადმინისტრაციული საპროცესო კოდექსის პირველი მუხლის მე-2 ნაწილით, საქართველოს სამოქალაქო საპროცესო კოდექსის 70-ე-78-ე, 285-ე მუხლებით

დ ა ა დ ბ 0 6 ა:

1. ადმინისტრაციულ საქმეზე №3ბ/2498-10 სააპელაციო საჩივრის ავტორი: საქართველოს თავდაცვის სამინისტრო, მოწინააღმდეგე მხარე: შალვა ნატროშვილი; დავის საგანი: ხელშეკრულებიდან (კონტრაქტიდან) გამომდინარე ჯარიმის, ზიანის საკომპენსაციო თანხის, პირგასამტებლოს დაკისრება და სანივთე უზრუნველყოფის

ნატურით დაბრუნება; შალვა ნატროშვილისათვის თბილისის სააპელაციო სასამართლოს ადმინისტრაციულ საქმეთა პალატის 2010 წლის 22 დეკემბრის გადაწყვეტილების გაცნობა განხორციელდეს საჯარო შეტყობინების გზით. სასამართლო შეტყობინება საჯარო განთავსდეს თბილისის სააპელაციო სასამართლოს ვებგვერდზე (www.tbappeal.court.ge).

2. გადაწყვეტილება მხარისათვის ჩაბარებულად ითვლება სასამართლო შეტყობინების თბილისის სააპელაციო სასამართლოს ვებგვერდზე განთავსებიდან მე-7 დღეს.

3. განჩინება შეიძლება გასაჩივრდეს თბილისის სააპელაციო სასამართლოს მიერ მიღებულ შემაჯამებელ გადაწყვეტილებასთან ერთად, ამ უკანასკნელის გასაჩივრებისათვის დადგენილი წესით.

მოსამართლე:

ქეთევან დუგლაძე